



TURISMO  
DE  
GALICIA

galicia

# CONXUNTURA TURÍSTICA EN GALICIA

---

**Datos provinciais**  
**Decembro 2023**

## PROVINCIA DE A CORUÑA

| TIPO DE ALOXAMENTO            | VIAXEIROS      |                    | NOITES         |                    | ESTADÍA MEDIA |                    | OCUPACIÓN     |                    |
|-------------------------------|----------------|--------------------|----------------|--------------------|---------------|--------------------|---------------|--------------------|
|                               | Nº             | Var. Int.<br>23/22 | Nº             | Var. Int.<br>23/22 | Nº            | Var. Int.<br>23/22 | %             | Var. Int.<br>23/22 |
| HOTEIS                        | 91.268         | 10,1%              | 161.290        | 3,6%               | 1,77          | -5,9%              | 33,26%        | 0,70               |
| PENSIÓNS                      | 18.187         | 20,3%              | 35.087         | 15,4%              | 1,93          | -4,0%              | 17,84%        | -3,15              |
| <b>ESTAB. HOTELEIROS</b>      | <b>109.455</b> | <b>11,7%</b>       | <b>196.377</b> | <b>5,5%</b>        | <b>1,79</b>   | <b>-5,5%</b>       | <b>28,79%</b> | <b>-1,12</b>       |
| APTOS. TURÍSTICOS             | 7.109          | 21,4%              | 16.302         | 17,3%              | 2,29          | -3,4%              | 21,31%        | 2,96               |
| CAMPINGS                      | 1.039          | 30,2%              | 1.536          | 29,4%              | 1,48          | -0,6%              | 4,81%         | -1,68              |
| TURISMO RURAL                 | 2.166          | -2,8%              | 4.359          | 20,6%              | 2,01          | 24,1%              | 13,09%        | 1,23               |
| <b>ESTAB. EXTRAHOTELEIROS</b> | <b>10.314</b>  | <b>16,1%</b>       | <b>22.197</b>  | <b>18,7%</b>       | <b>2,15</b>   | <b>2,2%</b>        | <b>-</b>      | <b>-</b>           |
| <b>TOTAL</b>                  | <b>119.769</b> | <b>12,0%</b>       | <b>218.574</b> | <b>6,7%</b>        | <b>1,82</b>   | <b>-4,7%</b>       | <b>-</b>      | <b>-</b>           |

- Na provincia de A Coruña rexístranse neste mes de decembro 120 mil viaxeiros aloxados e preto de 219 mil pernoctacións no conxunto da oferta de aloxamento, cifras que superan os datos do pasado ano -nun 12,0% a cifra de viaxeiros e nun 6,7% o volume de noites- para situarse tamén por encima dos niveis de 2019, anteriores á pandemia. En concreto supéranse nun 10% o volume de noites de hai catro anos.
- Con este incremento A Coruña consolida e reforza a dinámica positiva observada neste ano só puntualmente amortiguada en xullo como consecuencia dunha caída do 1,3%.
- Co 39% do total da comunidade A Coruña é a segunda provincia de maior peso en Galicia no mes de decembro. Tal circunstancia acontece por vez primeira na serie histórica deste último mes pois habitualmente é a provincia de maior volume na temporaña baixa. No terceiro trimestre ocupou tamén esta posición en favor de Pontevedra.
- O bo comportamento da demanda na provincia de A Coruña vén como consecuencia dos incrementos rexistrados en todas as tipoloxías de aloxamento, con diversa intensidade. Así o volume de noites sobe de forma notable nos campings -nun 29%- e no segmento de turismo rural -nun 21%- e, pola contra, de modo máis suave nos hoteis -nun 4% neste caso-.
- A Coruña é, xunto con Ourense, unha das provincias con comportamento homoxéneo da demanda en todas as modalidades de aloxamento, e a que presenta o incremento máis suave nos hoteis e nos apartamentos turísticos.

- En A Coruña o 90% da demanda concéntrase no segmento hoteleiro –un 74% nos hoteis e un 16% nas pensións-. O 10% restante repártese entre os apartamentos turísticos, os címpings e os establecementos de turismo rural –con maior volume e peso para os primeiros-. Esta distribución é propia dun período de temporada baixa e cambia en relación á observada no verán, con notable peso do segmento hoteleiro, sobre todo dos hoteis -que absorben tres de cada catro noites totais-.
- Con datos do sector hoteleiro obsérvase un comportamento dispar dos tres grandes segmentos de mercado, con variacións en todo caso de baixa intensidade. Así, neste mes increménțase o turismo de ámbito nacional -nun 6% o interno e nun 8% o que procede do resto do Estado- e descende, en cambio, o internacional -de forma suave, nun 1% neste caso-.
- Por vez primeira nos últimos 20 meses obsérvase un comportamento non positivo do turismo internacional en A Coruña, rompendo puntualmente a serie de crecementos consecutivos desde a pandemia. O descenso en termos interanuais é moi suave, pouco perceptible, de aí que o nivel de demanda se manteña por encima das 40 mil noites só no ámbito hoteleiro.
- Por segunda vez consecutiva -aconteceu o mesmo no primeiro cuadrimestre e no verán- o turismo receptor nacional é maioritario na provincia -cando menos no segmento hoteleiro-. Supón agora en decembro o 52% do total das noites. A metade restante repártese entre o mercado interno, dos residentes en Galicia -co 27% do total- e o internacional -co 21%-, segmento que na temporada media é maioritario na provincia.
- Por vez primeira neste ano A Coruña non é a provincia con maior peso do turismo estranxeiro -agora en decembro é Pontevedra a que amosa maior peso do mercado internacional- nin tampouco presenta menor peso do mercado interno -circunstancia que acontece en praticamente todos os meses-. Absorbe o 38% do total das noites dos estranxeiros na comunidade.
- Nos apartamentos turísticos obsérvase un comportamento positivo tanto do turismo nacional coma do internacional, superando ambos os niveis do pasado ano -nun 11% o primeiro e nun 54% o segundo-.
- Con 1,8 noites de estadía media a provincia de A Coruña sitúase neste mes no contorno da media do conxunto da comunidade, empeorando o dato do pasado ano -nun 5% en particular-. É a segunda cifra máis alta de todas as provincias galegas.
- Os apartamentos turísticos –con 2,3 noites de media- rexistran os valores máis elevados de toda a oferta de aloxamento. As restantes modalidades fican ben nas dúas noites -caso dos aloxamentos de turismo rural- ou ben por debaixo dessa cifra -marcan os címpings o valor máis baixo con 1,5 noites-.
- En termos comparativos dúas tipoloxías rexistran en A Coruña o nivel máis baixo de estadía media. En particular, as pensións e os apartamentos turísticos.
- En termos de ocupación obsérvase unha evolución dispar nas diferentes tipoloxías. Así, sobe e mellora a porcentaxe do pasado en tres modalidades -preto dun punto porcentual nos hoteis, en algo máis dun punto no segmento de turismo rural e en tres puntos nos

apartamentos turísticos- e descende nas dúas restantes -preto de dous puntos nos cámplings e en algo máis de tres puntos nas pensións-.

- Os hoteis rexistran neste mes a cifra de ocupación más alta cun 33,3% de media. No lado contrario a porcentaxe más baixa cae do lado dos cámplings, cun 4,8% de media neste caso.

**PROVINCIA DE LUGO**

| TIPO DE ALOXAMENTO            | VIAXEIROS     |                    | NOITES        |                    | ESTADÍA MEDIA |                    | OCUPACIÓN     |                    |
|-------------------------------|---------------|--------------------|---------------|--------------------|---------------|--------------------|---------------|--------------------|
|                               | Nº            | Var. Int.<br>23/22 | Nº            | Var. Int.<br>23/22 | Nº            | Var. Int.<br>23/22 | %             | Var. Int.<br>23/22 |
| HOTEIS                        | 21.022        | 2,7%               | 39.417        | 18,1%              | 1,88          | 15,0%              | 26,47%        | 2,15               |
| PENSIÓNS                      | 2.898         | -31,9%             | 7.210         | -27,8%             | 2,49          | 6,1%               | 9,06%         | -2,92              |
| <b>ESTAB. HOTELEIROS</b>      | <b>23.920</b> | <b>-3,2%</b>       | <b>46.627</b> | <b>7,5%</b>        | <b>1,95</b>   | <b>11,1%</b>       | <b>20,39%</b> | <b>0,76</b>        |
| APTOS. TURÍSTICOS             | 2.921         | 51,2%              | 10.221        | 43,7%              | 3,50          | -5,0%              | 17,62%        | 4,45               |
| TURISMO RURAL                 | 1.790         | 2,5%               | 3.939         | -0,4%              | 2,20          | -2,8%              | 11,15%        | 0,11               |
| <b>ESTAB. EXTRAHOTELEIROS</b> | <b>4.711</b>  | <b>28,1%</b>       | <b>14.160</b> | <b>27,9%</b>       | <b>3,01</b>   | <b>-0,1%</b>       | -             | -                  |
| <b>TOTAL</b>                  | <b>28.631</b> | <b>0,8%</b>        | <b>60.787</b> | <b>11,7%</b>       | <b>2,12</b>   | <b>10,8%</b>       | -             | -                  |

- O INE non ofrece datos de cámpings para a provincia de Lugo. Neste caso o balance global da demanda turística realiza sobre as catro tipoloxías restantes: hoteis, pensións, apartamentos turísticos e establecementos de turismo rural.
- En Lugo rexístranse neste mes de decembro preto de 29 mil viaxeiros aloxados e 61 mil pernoctacións no conxunto da oferta de aloxamento considerada, cifras que varían de forma dispar en relación ao pasado ano. En particular, o volume de noites increméntase nun 11,7% como consecuencia basicamente da mellora da estadía media pois a cifra de viaxeiros aloxados manteñense relativamente estable.
- O incremento da demanda vén como consecuencia das subas rexistradas en dúas das catro modalidades consideradas: do 18% nos hoteis e do 44% nos apartamentos turísticos. Os aloxamentos de turismo rural manteñen o nivel estable mentres que o volume de noites descende unicamente nas pensións -nun 28% neste caso-.
- O 77% da demanda concéntrase no segmento hoteleiro –un 65% nos hoteis e un 12% nas pensións-. O 23% restante repártese entre os apartamentos turísticos -co 17% colócase como a segunda tipoloxía en orde de importancia- e os establecementos de turismo rural -co 6% neste caso-. Esta distribución corresponde en realidade cun mes de temporda baixa, cun peso relativo inferior do segmento non hoteleiro fronte ao que se observa no verán.

- Con datos do sector hoteleiro -que presenta unha dinámica global positiva- apréciase neste mes un comportamento dispar dos tres grandes segmentos de mercado. Neste sentido descende o turismo interno -nun 11%- e increménțase, en cambio, o receptor -nun 24% aquel de orixe nacional e nun 27% o internacional-.
- Esta dinámica leva a que o mercado interno se sitúe tamén por debaixo dos niveis previos á pandemia mentres que o receptor consegue colocarse por encima das cifras de hai catro anos. Ambos rexistran neste mes un máximo histórico de demanda no ámbito hoteleiro con preto de 23 mil noites o que procede do resto do Estado e con más de cinco mil noites o estranxeiro.
- O comportamento dos diferentes mercados leva a pequenos cambios na estrutura da demanda en Lugo en relación ao pasado ano, perdendo peso o mercado interno -en oito puntos- e gañando peso, en paralelo, o receptor -en seis puntos o nacional e en dous puntos o internacional-.
- Igual que acontecera en oito dos noves meses anteriores o mercado receptor nacional sitúase como o segmento de maior volume e peso na provincia, absorbendo o 49% do total das noites hoteleiras. Recupera novamente a primeira posición logo de que en novembro fose o mercado interno o de maior peso. Xustamente o segmento dos residentes en Galicia representan o 40% do total da demanda, ficando o 11% restante para o internacional.
- No ámbito dos apartamentos turísticos si se observa un comportamento positivo dos dous grandes segmentos de mercado, con subas do 37% para o nacional -supón o 88% das noites- e de máis do dobre para o internacional.
- A estadía media en Lugo increménțase en relación ao pasado ano -nun 10,8%- situándose en 2,1 noites -a cifra máis elevada de todas as provincias galegas-.
- Con 3,5 noites de media os apartamentos turísticos rexistran a cifra máis alta da oferta de aloxamento na provincia. Marcan distancia respecto das restantes tres modalidades que se sitúan ben por encima das dúas noites -con 2,5 noites as pensións e 2,2 noites os aloxamentos de turismo rural-, ou ben por debaixo dessa cifra -os hoteis rexistran o valor máis pequeno con 1,9 noites neste caso-.
- Tres tipoloxías marcan en Lugo o valor da estadía media máis alto de todas as provincias neste mes de decembro: é o caso das pensións, dos apartamentos turísticos e dos aloxamentos de turismo rural.
- En termos de ocupación obsérvase un comportamento variable neste mes. Así, increménțase nos apartamentos turísticos -en máis de catro puntos- e nos hoteis -en algo máis de dous puntos-, mantense estable nos aloxamentos de turismo rural e descende únicamente nas pensións -en tres puntos como consecuencia da caída da demanda-.
- Os hoteis marcan a porcentaxe de ocupación máis alta neste último mes do ano, cun 26,5% de media. No lado contrario a cifra máis baixa queda nas pensións, cun 9,1% neste caso.

**PROVINCIA DE OURENSE**

| TIPO DE ALOXAMENTO            | VIAXEIROS     |                    | NOITES        |                    | ESTADÍA MEDIA |                    | OCUPACIÓN     |                    |
|-------------------------------|---------------|--------------------|---------------|--------------------|---------------|--------------------|---------------|--------------------|
|                               | Nº            | Var. Int.<br>23/22 | Nº            | Var. Int.<br>23/22 | Nº            | Var. Int.<br>23/22 | %             | Var. Int.<br>23/22 |
| HOTEIS                        | 22.698        | 10,9%              | 38.312        | 8,8%               | 1,69          | -1,9%              | 32,22%        | 3,84               |
| PENSIÓNS                      | 3.378         | 53,1%              | 6.665         | 24,8%              | 1,97          | -18,5%             | 15,43%        | 2,93               |
| <b>ESTAB. HOTELEIROS</b>      | <b>26.076</b> | <b>15,0%</b>       | <b>44.976</b> | <b>10,9%</b>       | <b>1,72</b>   | <b>-3,6%</b>       | <b>27,74%</b> | <b>3,44</b>        |
| APTOs. TURÍSTICOS             | 786           | 9,5%               | 2.092         | 42,6%              | 2,66          | 30,3%              | 14,51%        | -0,56              |
| TURISMO RURAL                 | 2.099         | 24,1%              | 3.616         | 21,1%              | 1,72          | -2,4%              | 16,13%        | 3,86               |
| <b>ESTAB. EXTRAHOTELEIROS</b> | <b>2.885</b>  | <b>19,8%</b>       | <b>5.708</b>  | <b>28,2%</b>       | <b>1,98</b>   | <b>7,0%</b>        | <b>-</b>      | <b>-</b>           |
| <b>TOTAL</b>                  | <b>28.961</b> | <b>15,5%</b>       | <b>50.684</b> | <b>12,6%</b>       | <b>1,75</b>   | <b>-2,5%</b>       | <b>-</b>      | <b>-</b>           |

- O INE non ofrece tampouco datos de címpings para a provincia de Ourense. Neste caso o balance global da demanda turística realiza sobre as catro tipoloxías restantes: hoteis, pensións, apartamentos turísticos e aloxamentos de turismo rural.
- Ourense presenta neste mes un comportamento parello ao observado nas restantes provincias. Neste sentido, o nivel de demanda increméntase nun 12,6% -volume de noites- como consecuencia dunha mellora da cifra de viaxeiros aloxados -do 15,55- nun contexto de certa caída da estadía media -do 2,5% neste caso-.
- Con preto de 29 mil viaxeiros aloxados e case 51 mil noites Ourense absorbe o 9% do total da demanda de Galicia. Neste sentido é a provincia de menor volume e peso neste mes de decembro.
- En Ourense o 89% da demanda concéntrase no segmento hoteleiro –un 76% nos hoteis e un 13% nas pensións-. O 11% restante corresponde ao segmento extrahoteleiro, cun peso inferior para os apartamentos turísticos -que representan o 4%- e algo máis elevado para os aloxamentos de turismo rural -co 7% do total neste caso-.
- O reparto da demanda entre as diferentes tipoloxías mantense relativamente estable en relación ao observado nos últimos meses, consolidándose o forte peso do segmento hoteleiro -tres de cada catro noites en Ourense corresponden só aos hoteis-.
- En termos dinámicos obsérvase un comportamento positivo e homoxéneo a nivel das diferentes tipoloxías. En síntese, increméntase o nivel de demanda en todas elas, con maior intensidade nos apartamentos turísticos -nun 43% o volume de noites- e de forma máis moderada nos hoteis -nun 9% neste caso-.

- Ourense é a provincia con maior intensidade de crecemento en dúas modalidades concretas: nas pensións e nos aloxamentos de turismo rural -ambas con subas por encima do 20% interanual-.
- Con datos do sector hoteleiro obsérvase un comportamento dispar dos tres grandes segmentos de mercado, cunha dinámica diferente á das restantes provincias. Neste sentido increménțase unicamente en decembro o turismo receptor nacional -o volume de noites dos españois de fóra de Galicia sobe un 31%- en contraposición os descensos observados tanto no mercado interno coma no internacional -do contorno do 2% en ambos-.
- Con esta dinámica a estrutura do mercado hoteleiro na provincia fica cun notable peso do turismo de ámbito nacional -co 44% das noites para os residentes en Galicia e co 46% para os que proceden do resto do Estado-, quedando reducido ao 10% o peso do segmento internacional na provincia.
- Neste sentido Ourense é a provincia con maior peso do mercado interno e menor peso do internacional dentro da estrutura da demanda hoteleira. Dita estrutura cambia en relación ao pasado ano -como consecuencia das variacións dispareas- diminuíndo o peso do turismo interno -en case seis puntos- e do internacional -en pouco máis dun punto- e incrementándose en paralelo o dos españois de fóra de Galicia -en sete puntos neste caso-.
- No ámbito dos apartamentos turísticos obsérvase un comportamento parello a nivel de mercados. Así increménțase tanto o turismo de ámbito nacional -nun 27%- coma o internacional -dobrando o volume de noites do pasado ano-.
- A estadía media en Ourense sitúase en 1,75 noites, cifra levemente inferior tanto á do pasado ano como en relación ao 2019. A nivel territorial Ourense marca un nivel semellante ao de Pontevedra e inferior ao rexistrado nas provincias do norte da comunidade.
- Con 2,7 noites de media os apartamentos turísticos marcan neste mes o valor máis elevado da oferta de aloxamento. As restantes modalidades fican ben nas dúas noites -caso das pensións- ou ben por debaixo dessa cifra -con 1,7 noites tanto nos hoteis coma nos establecementos de turismo rural-.
- En Ourense os aloxamentos de turismo rural marcan a cifra de estadía media máis baixa de todas as provincias.
- A dinámica dos niveis de ocupación é relativamente positiva neste mes. Así mellora en tres das catro modalidades consideradas -en case catro puntos nos hoteis e nos establecementos de turismo rural, e en tres puntos nas pensións- manténdose relativamente estable nos apartamentos turísticos -en síntese rexistran un empeoramento do contorno do medio punto porcentual-.
- Cun 32,2% de media os hoteis rexistran a cifra de ocupación máis elevada da oferta de aloxamento na provincia de Ourense. As restantes tres tipoloxías presentan unha porcentaxe similar, do contorno do 15% -cun 14,5% nos apartamentos turísticos, un 15,4% nas pensións e un 16,1% nos aloxamentos de turismo rural-.
- Os apartamentos turísticos rexistran en Ourense o nivel de ocupación máis baixo de toda a comunidade.

**PROVINCIA DE PONTEVEDRA**


| TIPO DE ALOXAMENTO            | VIAXEIROS      |                    | NOITES         |                    | ESTADÍA MEDIA |                    | OCUPACIÓN     |                    |
|-------------------------------|----------------|--------------------|----------------|--------------------|---------------|--------------------|---------------|--------------------|
|                               | Nº             | Var. Int.<br>23/22 | Nº             | Var. Int.<br>23/22 | Nº            | Var. Int.<br>23/22 | %             | Var. Int.<br>23/22 |
| HOTEIS                        | 111.744        | 13,2%              | 187.482        | 10,5%              | 1,68          | -2,4%              | 49,85%        | 2,50               |
| PENSIÓNS                      | 6.033          | 9,4%               | 13.145         | -9,2%              | 2,18          | -17,0%             | 21,21%        | -1,14              |
| <b>ESTAB. HOTELEIROS</b>      | <b>117.777</b> | <b>13,0%</b>       | <b>200.627</b> | <b>8,9%</b>        | <b>1,70</b>   | <b>-3,6%</b>       | <b>45,75%</b> | <b>2,29</b>        |
| APTOS. TURÍSTICOS             | 7.623          | 34,5%              | 18.603         | 41,1%              | 2,44          | 4,9%               | 26,22%        | 7,57               |
| TURISMO RURAL                 | 2.938          | 8,6%               | 6.038          | 10,0%              | 2,06          | 1,3%               | 14,43%        | 1,14               |
| <b>ESTAB. EXTRAHOTELEIROS</b> | <b>10.561</b>  | <b>24,0%</b>       | <b>24.641</b>  | <b>30,6%</b>       | <b>2,33</b>   | <b>5,3%</b>        | <b>-</b>      | <b>-</b>           |
| <b>TOTAL</b>                  | <b>128.338</b> | <b>13,9%</b>       | <b>225.268</b> | <b>11,0%</b>       | <b>1,76</b>   | <b>-2,6%</b>       | <b>-</b>      | <b>-</b>           |

- O comportamento global da demanda turística en Pontevedra equivale ao observado nas restantes provincias. Neste sentido presenta unha dinámica positiva, superando nun 13,9% a cifra de viaxeiros aloxados e nun 11,0% o volume de noites do pasado ano. Tal circunstancia permite ao conxunto dos aloxamentos turísticos da provincia superar tamén os niveis de 2019 -nun 24% neste caso-.
- Desta maneira o volume global de demanda fica en algo máis de 225 mil noites, o 41% do total da comunidade. Neste sentido Pontevedra sitúase novamente como a provincia de maior peso en Galicia -lideraba o turismo na comunidade no verán e en setembro. Tal circunstancia acontece por vez primeira na serie histórica deste último mes pois habitualmente é A Coruña a provincia de maior volume na temporada baixa.
- O comportamento positivo da demanda na provincia vén como consecuencia dos incrementos rexistrados en tres modalidades de aloxamento. Así, sobe o volume de noites un 10% nos hoteis e nos aloxamentos de turismo rural e un 41% nos apartamentos turísticos. Contrasta isto co descenso rexistrado nas pensións -do 9% neste caso-.
- A nivel interno obsérvase que o 89% da demanda corresponde aos establecementos hoteleiros, cifra que engloba aos hoteis – segmento que absorbe o 83%- e ás pensións –co 6% neste caso-. O 11% restante concéntrase nas restantes dúas modalidades cun peso superior para os apartamentos turísticos -absorben o 8% do total- fronte aos aloxamentos de turismo rural -con preto dun 3% neste caso-. Neste último mes do ano, igual que acontecera en novembro, o INE non ofrece datos para os címpings por falta de mostra.


- Con isto oito de cada dez noites rexístranse nunha soa modalidade -os hoteis-, de aí que o seu comportamento teña unha notable influenza na dinámica global. En Pontevedra, a diferenza das restantes provincias, os címpings teñen un peso importante aínda que agora en decembro desaparecen por falta de mostra representativa. Así, Pontevedra é a provincia con maior peso dos hoteis e menor peso das pensións.
- A nivel de mercados, dentro do ámbito hoteleiro, rexístrase un comportamento dispar na liña do observado en Lugo. En concreto, descende neste mes o turismo interno, dos residentes en Galicia -nun 10%- e increméntase, en cambio, o receptor -nun 2% aquel de ámbito nacional e nun 54% o internacional-.
- O forte incremento deste último segmento, o internacional, leva a rexistrar un máximo histórico tanto de volume -con preto de 58 mil pernoctacións- como de peso -co 29% do total hoteleiro-. Con isto Pontevedra convértese por vez primeira neste ano na provincia con maior peso do turismo estranxeiro -habitualmente é A Coruña a que presenta maior cuota- e, ao mesmo tempo, a que ten menor peso do mercado interno, dos residentes en Galicia -cun 25% do total-. É tamén a provincia con maior volume de turismo estranxeiro en Galicia -absorbe o 53% do total internacional da comunidade-.
- Con todo o segmento de maior peso na provincia é o receptor nacional -españois procedentes doutras comunidades autónomas-, que supoñen o 46% do total da demanda hoteleira.
- No lado dos apartamentos turísticos, segmento no que o turismo nacional supón o 71% do total das noites, o comportamento dos dous segmentos de mercado é tamén parelllo. Sobe aquel de ámbito nacional -nun 23%- así como o internacional -en algo máis do dobre en relación ao pasado ano-.
- A estadía media nos aloxamentos colectivos de Pontevedra sitúase en preto de 1,8 noites, cifra similar á observada en Ourense. Descende un 3% en relación ao dato do pasado ano e un 8% en comparación coa cifra de 2019.
- Neste contexto a estadía media supera as dúas noites en tres modalidades de aloxamento. En particular, nos apartamentos turísticos -con 2,4 noites de media-, nas pensións -con 2,2 noites- e nos aloxamentos de turismo rural -con 2,1 noites neste caso-. Os hoteis rexistran o valor máis baixo con 1,7 noites neste caso.
- En termos de ocupación obsérvase neste mes un comportamento variable. En síntese increméntase en tres modalidades -en máis de sete puntos nos apartamentos turísticos, en 2,5 puntos nos hoteis e en pouco máis dun punto nos aloxamentos de turismo rural- e descende únicamente nas pensións -nun punto neste caso-. Todas as variacións responden a evolucións parellas do nivel de demanda, do número de noites.
- Tamén en Pontevedra os hoteis rexistran o nivel de ocupación máis alto da oferta colectiva cun 49,9% de media neste mes de decembro. No lado contrario, a porcentaxe máis baixa sitúase no aloxamento extrahoteleiro e concretamente no segmento de turismo rural, cun 14,4% de media.

- Tres tipoloxías -os hoteis, as pensións e os apartamentos turísticos- rexistran en Pontevedra a porcentaxe de ocupación máis elevada de todas as provincias.


*Reparto da demanda turística nos alox. colectivos. Noites decembro 2023*



*Variación da demanda turística nos alox. colectivos. Noites decembro 2023/22*



*Reparto da demanda por tipoloxías, en cada provincia. Noites decembro 2023*



*Estadía media, por tipoloxía e provincia. Decembro 2023*

